

BOSNA I HERCEGOVINA  
 FEDERACIJA BOSNE I  
 HERCEGOVINE  
 ZENIČKO-DOBOJSKI KANTON  
 GRAD ZAVIDOVIĆI  
 Privredni savjet Grada Zavidovići  
 Broj: 02-43-2748/22-AP-3  
 Datum: 08.11.2022. godine



Na osnovu člana 13. Poslovnika o radu Privrednog savjeta Općine Zavidovići, broj: 02- 05-1818-AP-12 od 30.06.2017. godine i broj: 02-04-29/21-AP-25 od 27.04.2021. god., na 17. sjednici Privrednog savjeta Grada Zavidovići, koja je održana 02.11.2022. godine u Velikoj sali zgrade Grada Zavidovići sa početkom u 14:00 sati, sastavljam

### ZAPISNIK

Na sjednici Privrednog savjeta prisutni su: Hašim Mujanović, Džeraldina Miličević, Mustafa Hasaković, Mirela Bašić, Ermin Begović, Haris Mujanović, Enesa Bukvić, Slađan Ilić, Admir Bajraktarević, Remzo Sinanović, Asim Faljić.

Na sjednici Privrednog savjeta nisu prisutni: Alen Muharemović, Sabahudin Horozović, Ajdin Polić, Emir Okanović, Amir Omerašević, Birnas Parić, Erna Merdić-Smailhodžić.

Prisutni izvjestioci na 17. sjednici Privrednog savjeta Grada Zavidovići: Amira Tadić-šef odsjeka za budžet i trezor i Nermin Čahtarević-sekretar gradskog organa državne službe.

Zapisnik vodila: Merima Bašić.

Konstatuje se da je na sjednici prisutno 11 članova Privrednog savjeta od ukupno 18 članova; izvjestioci ukupno: 2.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta, odnosno potrebno je prisustvo natpolovične većine članova.

Predsjednik Privrednog savjeta Hašim Mujanović predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići **(izvjestilac Ad.1. Džeraldina Miličević, pomoćnik gradonačelnika)**,
- 2) Prijedlog Izmjene i dopune Budžeta Grada Zavidovići za 2022. godinu,
- 3) Prijedlog Odluke o izmjenama i dopunama Odluke o izvršavanju Budžeta Grada Zavidovići za 2022. godinu,
- 4) Nacrt Budžeta Grada Zavidovići za 2023. godinu,
- 5) Nacrt Odluke o izvršenju Budžeta Grada Zavidovići za 2023. godinu,
- 6) Periodični izvještaj o izvršenju Budžeta Grada Zavidovići za period 01.01.-30.06.2022. godine, sa izvještajem o utrošku tekuće budžetske rezerve **(izvjestilac Ad.2. – Ad.6.: Midhat Bajramović, pomoćnik gradonačelnika)**,

- 7) Nacrt Odluke o standardima, kriterijima, postupku izbora i konačnog imenovanja na upražnjene pozicije u reguliranim organima Grada Zavidovića (**izvjestilac: Ad.7. Idriz Alihodžić, pomoćnik gradonačelnika**),
- 8) Prijedlog Odluke o dopunama Odluke o javnom redu i miru,
- 9) Izvještaj o stanju zaposlenosti na području Grada Zavidovići (**izvjestilac Ad.8. – Ad.9.: Džeraldina Miličević, pomoćnik gradonačelnika**),
- 10) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda. Predsjednik privrednog savjeta predlaže da se o tačkama dnevnog reda od Ad.2.-Ad.6. raspravlja zajedno i donese jedan zaključak, a izvjestilac je Amira Tadić-šef odsijeka za budžet i trezor.

Prijedlog za izmjenu dnevnog red se usvaja jednoglasno i prelazi se na rad po istom.

#### **Ad.1. Status zaključaka donesenih na sjednicama Privrednog savjeta Grada Zavidovići;**

Izvjestilac pomoćnik gradonačelnika Džeraldina Miličević iznosi pojašnjenja i dodatne informacije po ovoj tački dnevnog reda.

Predsjednik privrednog savjeta otvara diskusiju po ovoj tački dnevnog reda. Diskusije nije bilo.

Zaključak: Prihvata se Status zaključaka donesenih na sjednicama Privrednog savjeta Grada Zavidovići.

Zaključak je usvojen jednoglasno.

#### **Ad.2. Prijedlog Izmjene i dopune Budžeta Grada Zavidovići za 2022. godinu;**

Izvjestilac šef odsijeka za budžet i trezor Amira Tadić konstatuje da je došlo do značajnog povećanja prihoda, tako da su pristupili izradi izmjena i dopuna budžeta za 2022. godinu, a u skladu sa projekcijom prihoda dostavljenog od Federalnog ministarstva finansija i izvršenjem prihoda za prvih devet mjeseci. Budžet na dan 31.10.2022. godine iznosi 17 720.871,60. U nastavku objašnjeno je šta sve čini strukturu budžeta.

Predsjednik Privrednog savjeta otvara diskusiju po ovoj tački dnevnog reda.

Admir Bajraktarević: sve ovo je inflacija, PDV.

#### **Ad.3. Prijedlog Odluke o izmjenama i dopunama Odluke o izvršavanju Budžeta Grada Zavidovići za 2022. godinu;**

Izvjestilac šef odsijeka za budžet i trezor Amira Tadić konstatuje da se u skladu sa Zakonom o budžetima FBiH donosi i odluka o izvršavanju budžeta, a kojom se utvrđuje struktura prihoda i primitaka, struktura rashoda i izdataka i njegovo izvršavanje, upravljanje, prioriteta plaćanja, obim zaduživanja, izdavanje garancija, upravljanje dugom, te finansijskom i nefinansijskom imovinom, ovlaštenja, kazne.

Diskusije nije bilo.

#### **Ad.4. Nacrt Budžeta Grada Zavidovići za 2023. godinu;**

Izvjestilac konstatuje da je na gradskom vijeće na 6. sjednici održanoj 31.10.2022. godine prihvaćen Nacrt Budžeta za 2023. godinu, te je upućen na javnu raspravu, a mišljanja, primjedbe i sugestije će biti uzete na razmatranje, te poziva i članove Privrednog savjeta da mogu uzeti učešće u javnoj raspravi. Prihodi i primitci su planirani u iznosu od 14 676.779,41 KM, te u nastavku objašnjava šta čini strukturu prihoda, navodeći i iznos neraspoređenog viška prihoda iz prethodnog perioda u iznosu od 195.268,00 KM. Ukupni rashodni i izdaci iznose u visini prihoda, te je bužet uravnotežen, te u nastavku izlaže šta čini strukturu rashoda.

Predsjednik Privrednog savjeta otvara diskusiju po ovoj tački dnevnog reda.

U diskusiji su uzeli učešće:

Sladan Ilić: postavlja pitanje za transfere koji nisu izvršeni, npr. transfer za poljoprivredu, te da budžet treba pratiti izvršenje.

Amira Tadić: obrazlaže da se moraju provoditi postupci javnih nabavki u skladu sa zakonom, te je kašnjenje zbog navedenih postupaka. Izvršenje budžeta za cijelu godinu podnosi se naredne godine, a knjiženje za tekuću godinu vrši se do februara naredne godine, i u četvrtom kvartalu se vidi najveće izvršenje.

Džeraldina Miličević: navodi da je izvještaj o izvršenju budžeta presjek knjiženja, nije presjek aktivnosti. Aktivnosti su započete mnogo ranije, ali nisu naplaćene. (...).

Predsjednik Privrednog savjeta: navodi da je bio javni poziv za poljoprivredu i završen je postupak, al nisu ušli u izvještaj.

Amira Tadić: navodi da će naredne godine biti izvještaj za cijelu godinu.

Admir Bajraktarević: konstatuje da su budžeti u rastu, ali da su kultura i sport ostali na istom nivou; svi transferi (Centar za kulturu, ...) i postavlja pitanje da li se mogu iste uvećati.

Predsjednik Privrednog savjeta: konstatuje da je nacrt radni materijal i da svi mogu iznijeti sugestije i prijedloge.

Amira Tadić: (...)

Predsjednik Privrednog savjeta: konstatuje da postoje i zakonske obaveze i prioriteta koji se moraju finansirati, a sve ostalo je nadogradnja (...) poziva da prijedloge i sugestije mogu iznijeti, i poslije javne rasprave kada materijal bude u prijedlogu imat će priliku da sugerišu. Nogometnom klubu su opredijeljena sredstva za pomoćni teren u iznosu od 40.000,00 KM.

Sladan Ilić: (...).

Predsjednik Privrednog savjeta: konstatuje da je značajan iznos i s viših nivoa.

#### **Ad.5. Nacrt Odluke o izvršenju Budžeta Grada Zavidovići za 2023. godinu;**

Izvjestilac konstatuje da se donosi odluka o izvršavanju budžeta uz dokument budžeta i da se isto definiše struktura i sve ono što je navedeno i u prethodnoj tački za 2022. godinu.

Diskusije nije bilo.

**Ad.6. Periodični izvještaj o izvršenju Budžeta Grada Zavidovići za period 01.01.-30.06.2022. godine, sa izvještajem o utrošku tekuće budžetske rezerve;**

Izvjestilac konstatuje da je budžet na dan 30.06.2022. godine iznosio 14 141 591,80 KM. Ukupni prihodi i primitci u ovom periodu su ostvareni u iznosu od 8 120 700,12 KM. Ukupni rashodi i izdaci izvršeni su u iznosu od 4 904 533,25 KM. Nadalje, obrazloženo je šta to sve čini strukturu prihoda i rashoda.

Predsjednik privrednog savjeta otvara diskusiju po ovoj tački dnevnog reda.  
Diskusije nije bilo.

Zaključak: Prihvata se Prijedlog Izmjene i dopune Budžeta Grada Zavidovići za 2022. godinu, Prijedlog Odluke o izmjenama i dopunama Odluke o izvršavanju Budžeta Grada Zavidovići za 2022. godinu, Nacrt Budžeta Grada Zavidovići za 2023. godinu, Nacrt Odluke o izvršenju Budžeta Grada Zavidovići za 2023. godinu i Periodični izvještaj o izvršenju Budžeta Grada Zavidovići za period 01.01.-30.06.2022. godine, sa izvještajem o utrošku tekuće budžetske rezerve.

Zaključak je usvojen jednoglasno.

**Ad.7. Nacrt Odluke o standardima, kriterijima, postupku izbora i konačnog imenovanja na upražnjene pozicije u reguliranim organima Grada Zavidovića;**

Izvjestilac Nermin Čahtarević konstatuje da je po zakonu određeno da se normiraju standardi za imenovanje na ove pozicije u javnim institucijama. Postoje četiri odluke koje regulišu ovo pitanje i plan je da se donese jedan akt i da se proširi na sve druge ustanove. Cilj je da se na jedinstven način reguliše imenovanje na ove pozicije. Odluka je upućena na gradsko vijeće, al zbog greške jer nisu preuzeti svi uslovi u potpunosti, odluka povučena na doradu.

Predsjednik privrednog savjeta otvara diskusiju po ovoj tački dnevnog reda.  
Diskusije nije bilo.

Zaključak: Prihvata se Nacrt Odluke o standardima, kriterijima, postupku izbora i konačnog imenovanja na upražnjene pozicije u reguliranim organima Grada Zavidovića.

Zaključak je usvojen jednoglasno.

**Ad.8. Prijedlog Odluke o dopunama Odluke o javnom redu i miru;**

Izvjestilac Džeraldina Miličević konstatuje da je odluka usvojena na gradskom vijeću u predloženom tekstu. Ispoštovano je ono što je traženo na sjednici Privrednog savjeta, osim da se produži rad ugostiteljima do 24:00 sata, obzirom da je velika većina objekata u stambenim prostorima, a obzirom da određeni nemaju ugrađene limitere za reprodukciju

zvuka (...). Usvojen je dio što se tiče zlostavljanjana na društvenim mrežama. (...).

Predsjednik privrednog savjeta otvara diskusiju po ovoj tački dnevnog reda.  
Diskusije nije bilo.

Zaključak: Prihvata se Prijedlog Odluke o dopunama Odluke o javnom redu i miru.

Zaključak je usvojen jednoglasno.

#### **Ad.9. Izvještaj o stanju zaposlenosti na području Grada Zavidovići;**

Izvjestilac Džeraldina Miličević konstatuje da je napravljen presjek za godinu dana, i da ono što treba prikazati jeste prikaz trendova i da će na tome insistirati, odnosno da se prikaže pregled od pet godina. Procenat zaposlenosti u 2020. godini je bio u blagom padu zbog Covida, a da trend govori da unazad sedam-osam godina imamo rast zaposlenosti, što znači da se mjerama i onim što se preduzima kreće u dobrom pravcu(...). Siva ekonomija ne daje jasnu sliku zaposlenosti.

Predsjednik privrednog savjeta otvara diskusiju po ovoj tački dnevnog reda.

U diskusiji su učestvovali:

Admir Bajraktarević: (...).

Enesa Bukvić: konstatuje da oni koji su na birou nisu zato što traže posao, nego zbog zdravstvenog osiguranja i sl.

Sladčan Ilić: navodi da izvještaj nije loš, ali da se dodaju i prethodne godine da se vidi trend, te dodaje da treba biti i mjesečni pregled. Navodi da s poticajima, subvencijama treba nastaviti, kao i sa prekvalifikacijama za radna mjesta (...).

Predsjednik Privrednog savjeta: navodi da se na nezaposlene osobe treba gleda kao na resurs, ali da nemamo tražilaca posla, nego su samo na evidenciji i opterećavaju sistem.

Admir Bajraktarević: navodi da postoje dva načina za rješavanje problema: inspekcija i poticaji.

Sladčan Ilić: konstatuje da je trećina ljudi s osnovnom školom na evidenciji i da najvjerojatnije neće naći zaposlenje.

Asim Faljić: navodi da treba naći mehanizme za osobe kojima se traži posao, da ukoliko ne žele raditi da isti više ne budu na evidenciji za zapošljavanje.

Ermin Begović: (...).

Sladčan Ilić: (...).

Mirela Bašić: navodi da treba uložiti u prakse, da učenici trebaju biti osposobljeni za rad kod poslodavca, postavlja pitanje vezano za navedenu mjeru.

Predsjednik Privrednog savjeta: konstatuje da će se navedeno predvidjeti u budžetu kroz poticaje kao mjera.

Admir Bajraktarević: (...).

Ermin Begović: (...) navodi da treba uvesti platu i ocjenjivanje.

Džeraldina Miličević: nadovi da treba odrediti pravce, pokrenuti inicijative ka višim nivoima, te da se treba pormijeniti sistem funkcionisanja zavoda za zapošljavanje, da pravo na zdravstvenu zaštitu proističe iz radnog statusa je princip koji nigdje ne može funkcionisati iz čega proizilaze i netačni podaci i statistike. Zavodi se ne bave primarno traženjem posla, komunikacijom sa privrednicima, obrazovnim sektorom. (...).

Mustafa Hasaković: navodi da treba provoditi ankete. (...).

Sladjan Ilic: (...).

Mustafa Hasaković: (...).

Ermin Begović: (...).

Haris Mujanović: (...). navodi da akcenat treba biti na poduzetništvu žena.

Džeraldina Miličević: konstatuje da treba registrovati djelatnosti, da treba pratiti efekte poticaja. Registracija zadruga je rješenje.

Zaključak: Privredni savjet prima k znanju Izvještaj o stanju zaposlenosti na području Grada Zavidovići;

Zaključak je usvojen jednoglasno.

#### Ad.10. Razno;

-nije bilo rasprave.

Sjednica Privrednog savjeta završena u 16:00 sati.

ZAPISNIK SAČINILA

Merima Bašić

Merima Bašić

ZAPISNIK OVJERAVA  
PREDSJEDNIK PRIVREDNOG  
SAVJETA

doc.dr. Hašim Mujanović

